

REVIZORSKA KOMORA FEDERACIJE BOSNE I HERCEGOVINE

Broj: S-10/11-8
Sarajevo, 28.07.2011. godine

Na temelju člana 61. stav 1. tačka 1. i člana Zakona o računovodstvu i reviziji u Federaciji Bosne i Hercegovine (»Službene novine«, broj 83/09.), člana 4. tačka 4. i člana 13. Stav 1. tačka c) Statuta Revizorske komore Federacije Bosne i Hercegovine, uz Saglasnost Federalnog ministarstva finansija br. 04-02-5424/11-D.B.P. od 18.07.2011. godine Skupština Revizorske komore Federacije Bosne i Hercegovine na sjednici održanoj 28.07.2011. godine, donosi

ODLUKU

O STOPI DOPRINOSA, IZNOSU ČLANARINA I NAKNADA REVIZORSKOJ KOMORI FEDERACIJE BOSNE I HERCEGOVINE ZA 2011.GODINU

I OPĆE ODREDBE

Član 1.

Ovim odlukom reguliše se članski doprinos koji plaćaju članovi Revizorska komora Federacije Bosne i Hercegovine (u daljnjem tekstu: Komora), naknade koje Komora naplaćuje, obveznici i način i rokovi plaćanja za 2011. godinu.

II ČLANARINE

Obveznici članskog doprinosa

Član 2.

Obveznici plaćanja članskog doprinosa su članovi Komore:

- 1) ovlašteni revizor koji obavlja reviziju ispunjenjem uvjeta iz člana 5. i člana 51. Zakona o računovodstvu reviziji u Federaciji Bosne i Hercegovine (u nastavku: Zakon);
- 2) društvo za reviziju koje obavlja reviziju na temelju člana 5. i člana 50. Zakona.

Članski doprinos za ovlaštene revizore

Član 3.

Ovlašteni revizori upisani u registar Komore, plaćaju Komori članski doprinos u visini fiksnog godišnjeg iznosa od 200 KM.

Članski doprinos iz stava 1. ovog člana plaća se jednokratno na tekući račun Komore, najkasnije do 31. marta tekuće godine, odnosno u roku od 30 dana od dana upisa u registar Komore ovlaštenog revizora, koji su u toku godine postali članovi Komore.

Preduzeća za reviziju mogu plaćati članski doprinos za svoje uposlene ovlaštene revizore.

Plaćeni doprinos iz stava 1. ovog člana ne vraća se ovlaštenom revizoru koji je brisan iz registra Komore, odnosno društvu koje je platilo članski doprinos za svoje uposlene.

Članski doprinos za društva za reviziju

Član 4.

Društva za reviziju upisana u registar Komore, plaćaju Komori članski doprinos u visini fiksnog godišnjeg iznosa od 500 KM i varijabilni godišnji članski doprinos u visini od 0,3% na osnovicu koju čini ostvareni poslovni prihod od usluga revizije društva za reviziju za prethodnu kalendarsku godinu.

Članski doprinos iz stava 1. Ovog člana uplaćuje se na tekući račun Komore kvartalno u tekućoj godini u srazmjerno jednakim iznosima, najkasnije po isteku tekućeg kvartala.

Novoosnovano društvo za reviziju, koje je u toku prve godine poslovanja postal član Komore, za tu godinu plaća akontaciju varijabilnog godišnjeg članskog doprinosa u visini od 0,3%, na osnovicu koju čine planirani poslovni prihodi od usluga revizije društva za reviziju za tu godinu.

Naredne godine društvo za reviziju iz stava 3. ovog člana, utvrđuje konačan varijabilni godišnji članski doprinos u visini od 0,3% na osnovicu koju čini ostvareni poslovni prihod od usluga revizije za prethodnu kalendarsku godinu. Ukoliko je iznos akontacije varijabilnog godišnjeg članskog doprinosa manji od iznosa konačnog varijabilnog godišnjeg članskog doprinosa, društvo za reviziju je dužno razliku uplatiti na tekući račun Komore najkasnije do 31. marta tekuće godine. Ukoliko je iznos akontacije varijabilnog godišnjeg članskog doprinosa veći od iznosa konačnog varijabilnog godišnjeg članskog doprinosa, društvo za reviziju ima pravo na povraćaj više plaćenog dijela akontacije, ili pravo na umanjenje za isti iznos varijabilnog godišnjeg članskog doprinosa za tekuću kalendarsku godinu.

Plaćeni članski doprinos iz stava 1. ovog člana ne vraća se društvu za reviziju koje je brisano iz registra Komore.

Uz dokaz o uplati varijabilnog godišnjeg članskog doprinosa, društvo za reviziju je dužno da dostavi Komori izjavu zakonskog zastupnika u kojoj će biti navedsen ukupan poslovni prihod društva za reviziju ostvaren od usluga revizije u protekloj kalendarskoj godini, odnosno poslovni prihod od usluga revizije koje novoosnovano društvo za reviziju planira u tekućoj godini i kojom će biti potvrđeno pod punom odgovornošću da su dati podaci tačni.

III NAKNADE

Član 5.

Naknada za upis u registar koje vodi Komora iznosi: za društva za reviziju 500 KM, a za ovlaštene revizore 100 KM i plaća se jednokratno prije upisa u registar.

Naknada za upis promjene u registrima Komore iznosi: za društva za reviziju 100 KM, a za ovlaštene revizore 20 KM i plaća se jednokratno prije izvršene promjene u registru.

Naknada za izdavanje ovjerenih izvoda i potvrda iz registra Komore, iznosi 20 KM.

Ostali prihodi iz kojih se finansira Revizorska komora FBiH odnose se na stjecanje prihoda od naplate provedbe stručnog usavršavanja i prihoda od subvencija, donacija i potpora.

Upravno vijeće Revizorske komore FBiH iz svoje nadležnosti predlaže i donosi cijene ostalih usluga koje obavlja Komora.

IV NADZOR

Član 6.

Nadzor obračuna i uplate članarina i naknada utvrđenih ovom odlukom provodi stručna služba Komore.

V PRELAZNE I ZAVRŠNE ODREDBE

Član 7.

U iznosima članarina i naknada po ovoj odluci nije uračunat PDV.

Član 8.

Obaveza obračuna i uplate članarina i naknada na način i u rokovima utvrđenim članom 8. ove odluke, za članove Komore nastupa stupanjem na snagu ove odluke i važi za 2011.godinu.

Član 9.

Na članarine i naknade koje ne budu plaćene Komori u rokovima propisanim ovom odlukom, obračunava se zatezna kamata u skladu sa važećim propisima.

Ova odluka stupa na snagu osmog dana od dana objavljivanja saglasnosti Ministarstva finansija date na ovu odluku u Službenim novinama FBiH.

Saglasnost Ministarstva finansija iz stava 1. ovog člana prilaže se uz ovu odluku i čini njen sastavni dio.

Nakon objavljivanja saglasnosti Ministarstva finansija date na ovu odluku u Službenim novinama FBiH, ova odluka se objavljuje na internet stranici Komore.

Predsjednik
Revizorske komore FBiH
Sead Bahtanović, dipl. ecc. s. r.

Broj: 04-02-5424/11-D.B.P.
Sarajevo, 18.07.2011. godine

**REVIZORSKA KOMORA
FEDERACIJE BOSNE I HERCEGOVINE
Jadranska bb (Deloitte d.o.o.)
SARAJEVO**

n/p predsjednik **Sead Bahtanović**

PREDMET: Saglasnost na Nacrt Odluke o stopi doprinosa, iznosu članarina i naknada
Revizorskoj komori Federacije Bosne i Hercegovine, dostavlja se
VEZA: Vaš akt broj: UV-20/11-5 od 07.07.2011. godine

U vezi sa Vašim aktom, broj i datum veze, a na osnovu člana 64. stav 3. tačka 2.
Zakona o računovodstvu i reviziji u Federaciji Bosne i Hercegovine („Službene novine
Federacije BiH“, broj: 83/09), Federalno ministarstvo finansija daje

S A G L A S N O S T

Na Nacrt Odluke o stopi doprinosa, iznosu članarina i naknada Revizorskoj komori
Federacije Bosne i Hercegovine.

Obrazloženje

Članom 64. stav 3. tačka 2. Zakona o računovodstvu i reviziji u Federaciji Bosne i
Hercegovine („Službene novine Federacije BiH“, broj: 83/09) propisano je da Revizorska
komora Federacije BiH donosi Odluku o iznosu članarine uz prethodnu saglasnost
Federalnog ministarstva finansija. Ministarstvo je detaljno razmotrilo tekst Nacrta Odluke o
stopi doprinosa, iznosu članarina i naknada Revizorskoj komori Federacije Bosne i
Hercegovine i nema primjedbi na isti.

S poštovanjem,

MINISTAR

Ante Krajina

Sarajevo, Ulica Mehmeda Spahe br.5
Telefon: +387 33 253 400 Fax:+387 33 663 314
e-mail: info@fmf.gov.ba